

Govor predsjedavajućeg Delegacije Parlamentarne skupštine Bosne i Hercegovine u Parlamentarnoj skupštini Vijeća Evrope (PSVE) Senada Šepića na prvom dijelu redovnog zasjedanja PSVE tokom rasprave o poštivanju obaveza i angažmana Bosne i Hercegovine kao države članice Vijeća Evrope Strazbur, 24. januar 2018.

"Dragi prijatelji,

Najprije se želim zahvaliti svima koji su glasali i podržali kandidata iz BiH, Dunju Mijatović, za komesara za ljudska prava. To je velika pobjeda o poruka i ja zaista cijenim vašu podršku.

Zatim, dopustite mi da se zahvalim svima koji su doprinijeli ovom izvještaju o kojem danas raspravljamo. U njemu se navode neka od vrlo važnih pitanja koja su građani Bosne i Hercegovine i mi, kao njihovi izabrani političari, trebali prije mnogo godina ostaviti iza nas.

Ali nismo!

I dok mnogi trebaju preuzeti odgovornost jer ne rade dovoljno dok su na funkcijama, neki od nas trebaju razmišljati o budućnosti i preuzeti odgovornost za to.

Ovaj izvještaj se ne odnosi na Bosance i Hercegovce - Bošnjake, Srbe, Hrvate i sve ostale građane - jer smo puno više od toga što ovaj izvještaj opisuje.

Ovaj izvještaj se odnosi na bosanskohercegovačke političare, uključujući mene, ali i na međunarodnu zajednicu koja je prisutna u Bosni i Hercegovini, koja je, svojevrijem ili ne, odlučila staviti naglasak na sve stvari oko kojih se ne možemo dogovoriti ili nam je teško da se o njima dogovorimo.

I stavljena su na stranu sva pitanja koja su važna za građane: radna mjesta, borba protiv korupcije, dobro obrazovanje i dobro zdravstveno osiguranje. Umjesto toga, uz podršku mnogih stranaca, naši lokalni lideri su prihvatili agendu velikih a za građane apstraktnih a ne vitalnih pitanja ustava, ko koga bira i ko je za to plaćen.

I vidimo rezultate takvog pristupa: mladi napuštaju zemlju, stariji postaju beznadežni i tužni.

Poštujem ovaj izvještaj, vrlo je uravnotežen i tačan.

I želim da se što prije dogovorimo oko bosanskohercegovačkog političkog sistema i raspodjele ovlasti, kao i interesa glavnih političkih aktera.

Ali naš sistem ne funkcioniše tako i, uprkos tome, ja ću dati sve od sebe da ohrabrim većinu naroda u BiH da se borimo za vidljiv napredak, dostojanstven život i evropsku perspektivu za našu zemlju i djecu.

Hvala za vašu podršku i pažnju." (kraj)